

ЛЕНИН'Я

УАССР-ысь Вавон ВКП(б) райкомлэн но райисполномлэн газетсы

1939 аре
—
26 сентябре
№ 47 (480)
—
7 тй арзэ потэ

Москваысь польской посоллы 1939 аре 17 сентябре СССР-лэн правительствозлэн сётэм нотаез

17 сентябре 1939 аре. Господин посол! Польско-германской война шараяз польской правительстволэсь внутренней несостоятельностью. Военной операциослэн дас нунал Чожаз Польша ваньтэз ваньзэ ик

аслэсьтыз промы иленной район'ёссэ но культурной центр'ёссэ. Варшава, Польшалэн столицаезсямен, существовать уг кары ни. Польской правительство куашказ, улыны быгатонлыкёз овл ни. Со вера со сярсы, что польской государство но солэн правительствоз фактически существовать каремысь дугдйзы. Соин тини СССР-эн но Польшаен куспын заключить карем договор'ёс действовать каремысь дугдйзы. Ас понназ ачиз но руководствотэк кельтэм Польша котыкыче шдтэк шорысь но возматэ шорысь луон'ёслы удобной бусылы берытскиз, куд'ёсыз СССР-лы кышкытлык кылдытыны быгатозы. Соин ик, та дырозь нейтральноен кылыса, советской правительство уг быгаты ни азылане та факт'ёслы нейтрально относиться карыны. Советской правительство озы ик уг быгаты безразлично относиться карыськыны солы, чтобы Польшалэн территория вылаз улйсь единокровной украинец'ёсты но

белорусс'ёсты беззащитноен кельтыны. Таке обстановка луэмен советской правительство распоряджение сётыз Красной Армилен Главной Командованиезлы приказ сётны границыез потыны но басытыны асьсэлэн защита улазы улонзэс но ваньбурзэс Западной Украинаысь но Западной Белорусиысь калык'ёслэсь. Таин ог дыре ик советской правительство малпа кутыны вань ужпум'ёс со понна, что бы польской калыкез секытэ уськытысь войнаысь поттыны, кудаз со кыскемын вал солэн быгатысьтэм кивалтысьсыныз но польской калыкы мирной улонэн улыны луонлык сётыны малпа. Принять каре, господин посол, мынэсьтым оскытонме Тйледыз зеч гажаке сярсы. СССР-лэн Иностранной Ужпум'ёсыз'я Народной Комиссарез **В. МОЛОТОВ**. Польшалэн Чрезвычайной но полномоченой посолезлы **Г. Гржибовский**лы. Польской посольство. Москва.

СССР-лэн Народной Комиссар'ёсызлэн Советсылэн Председателезлэн В. М. Молотов эшлэн 17 сентябре 1939 арын радио пыр верамез

Эш'ёс! Асьмелэн великой странамылэн граждан'ёсыз но гражданаосыз!

Польско-германской войнаен кылдытэм событиос возматызы Польской государстволэсь внутренней несостоятельностьюсэ но чылкак лябомемзэ. Польской правящай круг'ёс обанкротиться карыськызы. Ваньмыз со луиз туж вакчи дыр куспын.

Ортчиз кычеке-сыче кык арня гинэ, нош Польша ыштйз ни ваньзэ промышленной интыосэ, ыштйз троссэ бадзьимесь город'ёссэ но культурной центр'ёссэ. Овл ни Варшава но Польской государстволэн столицаез. Нокин но уг тоды Польской правительстволэсь кытынзэ. Польшалэн калыкез солэн сюлмакысьтэм кивалтысьсыны куштэмын произволлэн судьябаз. Польской государство но солэн правительствоз фактической улэмысь дугдйзы. Сыче положениен сэрэн Советской Союз но Польшаен куспын гожтэм договор'ёс асьсэлэсь действизэс дугдытызы.

Польшаын кылдйз сыче положение, кудйз Советской правительстволэсь кулэ каре аслаз государствозлы безопасность понна нимысьтыз ик сюлмакыземзэ. Польша луиз удобной бусыен котыкыче случайностьёслы но витытэ макеослы, куд'ёсыз быгатозы кылдытыны угроза СССР-лы. Советской Правительство берло дырозь кылылйз вал нейтральноен. Но со выль верам обстоятельствоосын сэрэн нейтрально отнositься карыськыны уг ни быгаты со кылдэм положениелы.

Советской правительстволэсь озы ик курыны уг луы безразличной отношениез единокровной украинец'ёслэн но белорусс'ёслэн судьбазылы, куд'ёсыз луо Польшаын и азыл но улйзы правотэм нациослэн положенияз, куд'ёсыз нош табере кабзэ случайлэн воляз куштэмын ни.

Советской правительство аслаз священной обязанности ляд'я юрттыса кизэ сётыны аслаз братьяосызы— украинец'ёслы но братьяосызылы-белорусс'ёслы, куд'ёсыз уло Польшаын.

Ваньмыз таосын валче СССР-лэн Правительствоз туннэ Чукна Москваысь польской посоллы вручить кариз нота, кудаз заявить кариз, что Советской Правительство Красной Армилен Главной командованиезлы распоряджение сётыз войскаослы приказ сётны границаез выжыны но Западной Украинаын но Западной Белоруссиын улйсь калыкыслэсь улонзэ но имуществоз аслаз защитаез улэ басытыны. Советской Правительство та нотаез озы ик заявить кариз, что таин чош ик со малла ваньзэ ужрад'ёсты кутыны солы, чтобы поттыны польской калыкез злополучной войнаысь, кытчы со пыртэмын вал солэн незадачливой кивалтысьсыны но сётыны солы быгатонлык мирной улонэн улыны.

Сентябрьлэн нырысетй числоосаз ку Украинаын, Белоруссиын но эшшо нылыз военной округ'ёсын ортчытйськыз запаснойёсты Красной Армии частичной мобилизация, Польшаын положение валамон ой на вал и та призыв ортчытйськыз, предосторожность мера кадь. Нокин оз быгаты малпаны, что польской государство кыре поттоз сыче кужымтэмзэ но сыче жог куашкатонзэ, кыче ни табере быдэсак Польшаын. Поскольку, однако, сыче куашкымез син азын, а польской деятельёс быдэсак обанкротиться карыськызы и способнось овл ни Польшаын положениез воштыны, асьмелэн Красной Армины, запаснойёсты берло призыв дыр'я бадзым пополнение басытыса, честен быдэстоно луэ со азе пунктэм задачаез.

Правительство вера юн оскемзэ, что асьмелэн Рабоче-Крестьянской Красной Армины возматоз таяз но аслэсьтыз боевой кужымзэ, сознательностьсэ но дисциплиназэ, что аслэсьтыз великой освободительной задачаоссэ со шобыртоз выль подвиг'ёсын, героизмен но славаен.

Таин чош ик Советской правительство польской посоллы сётэм нотаезлэсь копизэ ыштйз вань правительствозлы, куд'ёсыныз СССР-лэн вань дипломатической отнoшениосыз, и таин чош ик вераз, что Советской Союз

вань та странаос ласянь нейтралитетлэсь политиказэ нуоз.

Таин определяться карыськы но внешней политика ласянь асьмелэн берло мероприятиосмы.

Правительство озы ик вазыське Советской Союзлэн граждан'ёсызы таке валэктонэн. Запаснойёсты призывать каремын валче асьме граждан'ёсмы пöлын кылдйз тыршон продовольствез но мукет'ёссэ вуз'ёсты тросгес люканы, что снабжение ласянь карточной система тупатэмын луоз шуыса кышкаса. Правительство кулэен ляд'я вераны, что со продуктаослы но промтовар'ёслы карточной система тупатыны уг малпа, даже, если внешней событиосын кылдытэм государственной мераос ог кöня ке дырлы кыстыськызы ке но. Кышкасько, что продовольствез но вуз'ёсты мултэс басын'ёслэсь пострадать карозы соос гинэ, кин соин заниматься карыськыз но люкалоз кулэтэм запас'ёсты, соосты сбриськонлэн кышкытлык каз пыртыса. Асьмелэн странаы ваньмыз обеспечить каремын но быгатоз снабжиен карточной систематэк но потыны. Асьмелэн задачамы табере, котыкуд рабочийлэн но крестьянинлэн задачаез, котыкуд служащайлэн но интеллигентлэн задачаез луэ со бордын, чтобы аслад постад честно но самоотверженно ужаны и соин сётыны Красной Армины юртэт. Асьмелэн данлыкы Красной Арминылэн боец'ёсыз сярсы верано ке, мон сомневаться уг карыськыськы, что соос Родина азын асьсэлэсь долгзэс с честью но данлыкен быдэстоны. Советской Союзлэн калык'ёсыз асьме странамылэн вань граждан'ёсыз но гражданаосыз, Красной Армилен но Военно-Морской Флотлэн боец'ёсыз Советской правительствоз борды, асьмелэн большевистской партимы борды, асьмелэн великой вождьмы борды, мудрой Сталин эш борды котыкулэсь но юн огазеяськемын, промышленностьын но колхоз'ёсын ужлэн выль но адзылымтэ азинскон'ёсыз понна, Красной Армилен боевой фронт'ёсын выль данлыкы вормон'ёсыз понна.

СССР-ен дипломатической отношении возись государствоослэн посол'ёсызы но посланник'ёсызы 1939 аре 17-тй сентябре Чукна сётэм СССР-лэн правительствозлэн нотаез

Господин посол! Москваын польской посоллэн нимаз туэ аре 17-тй сентябре ыстэм СССР-лэн правительствозлэсь нотаез Тйледлы ыстыса, правительстволэн поручить каремез'я, быгатысько Тйледлы вераны, что СССР нуоз нейтралитет-

лэсь политиказэ СССР-ен но (странаослэн нимзы верамын) куспын. Принять каре, господин посол, мынэсьтым оскытонме Тйледыз зеч гажаке сярсы. СССР-лэн Иностранной Ужпум'ёсыз'я Народной Комиссарез **В. МОЛОТОВ**.

* Та текст ыстэмын Германилен, Италилен, Иранлен, Китайлен, Японилэн, Великобританилен, Францилен, Афганистанлен, США-лэн, Турцилен, Финляндилэн, Болгарилэн, Латвилэн, Монгольской Народной

Республикален, Данилен, Эстонилэн, Шведилэн, Грецилен, Бельгилэн, Румынилэн, Тувинской Народной Республикален, Латвилэн, Норвегилэн, Венгрилен дипломатической представительёсызы.

Граница съорысь ивор'ёс

Германской армилэн верховной командованиезлэн ивортонзэ

Берлин, 21 сентябре. (ТАСС). Германской информационной бюро германской армилэн верховной командованиезлэсь оперативной сводказэ сётэ.

Висла шурлэн котырскемаз, Вышгрудлэн районаз бойёслэн результатсы сярсыс окончательнo али ке но тодыны уг луы на. 20 сентябре нуназе берелы польской пленнойёслэн лыдзы ог 170 сюрслы вуиз. Пленнойёслэн лыдзы ялан будэ. Бойын участвовать карем кык германской армис пöлысь одйгеныз 320 орудно но 40 танк'ёс таламын. Со бойёсын Польша ласянь участвовать каризы 9 дивизиос, мукет дас дивизиослэн нимаз-нимаз частьёсы но 3 кавалерийской бригадаос.

Польшалэн югаз, Санок но Томашов дорын туж лекесь бойёс ортчем бере, трос лыд'ем польской частьёс германской войскаослы сётскизы. Озы ик пленэ кутэмын польской южной армилэн главнокомандующез. 10 сентябрысен кутыкыса, та районын 60 сюрс поляк'ёс пленэ кутэмын вал. Таламын 108 капчиесь но 22 секытэсь оруднос.

Гдыня дорысь бойёсын ог 350 польской офицер'ёс но 12 сюрс солдат'ёс пленэ кутэмын. Ог 40 оруднос таламын.

Польской войскаос али ялан пумит'ясько на Варшаваын, Модлинын Варшавалэн юго-восток палаз Гуры Кальвария дорын но Хела полуостровын.

Германия но Франция куспын военной действиос

Париж, 21 сентебре. (ТАСС). Гавас агенство радио пыр Парижысен сётэ 20 сентябре фронтын ортчем военной действиос сярсысь жыт ивортонзэ. Ивортоннын шуиське. „Фронтлэн пöртэм пункт'ёсаз про-

тивниклэн артиллериез действовать кариз. Французской но германской истребительной авиациос куспын кöня ке жугиськон'ёс луизы. Противниклэн одйгез самолётэз асьмелэн фронтмылэн линияз уськытэмын“.

РККА-лэн Генеральной Штабелэн оперативной сводказэ 22 сентябре, 1939 арын

22 сентябре, Красной Армилен Западной Белоруссиын действовать карысь частьёсыз Белосток городэз но Брест-Литовск крепостез басытызы но Августовской нюлэс'ёсты (Гродно городлэн северо-запад палаз) польской армилэн кылем-мылем'ёсылэсь сузяны кутскизы.

Западной Украинаын Крас-

ной Армилен польской армилэсь кылем-мылем'ёссэ быдтылон операциосы нуись частьёсыз Сарнылэсь районзэ офицерской группаослэсь чылкытатйзы. Львов городлэн районаз польской армилэн частьёсылэсь пумит'яськонзэс быдтылон дыр'я, Красной Армилен частьёсызы туннэ пленэ сётскизы куать пехот-

ной дивизиос но кык стрелковой полк'ёс, Лангер генералёнызы влече.

Тырмыт даннойёстэк, 17 сентябрысен 21 сентябрыз польской армилэсь солдат'ёсэ но офицер'ёссэ 120 сюрс муртэ пленэ кутэмын, 380 оруднос но 1400 пулемет'ёс таламын.

Комсомол радэз бюджетоно

ВЛКСМ-лэн Центральной Комитетэзлэн VIII-тй пленумез комсомольской организациос азе ВКП(б)-лэн XVIII съездэзлэсь решенносэ улонэ пыртыны вылысь бадзымесь задачаос пуктыз. Та задачаос пöлысь одйгез—егит'ёс пöлын политико-воспитательной ужез умоятон но ужын испытанной азымынсь егит'ёсты комсомол радэ кысзон.

Районамы ваньмыз 47 первичной комсомольской организациос. Та берло дыре азымынсь егит'ёсты комсомол радэ кысзон уж чидантэм урод мынэ. Туэ арлэн III кварталаз район'я ваньмыз 30 мурт сяна комсомол радэ пыртэмын öвöл. Та лыд бордысен тодмо, что первичной комсомольской организациослы быдэ одйг мурт но уг усы.

Куд-ог комсомольской организациослэн секретарь'ёсы комсомоллэсь лыдзэ бюджетонлы саклыкэс öжйт вис'яло. Акмарово первичной комсомольской организациослэн секретарез Плотников 5 толэзэ чөже комсомолэ одйг мурт но öз кыскы.

Вератэк кельтыны уг луы ВЛКСМ РК-лэсь комсомоль-

ской организациос но. Та организаци гурт'ёсысь комсомольской организациослы пример возьматон кадь, нош со чик озы öвöл. Куинь толэзэ кустын комсомол радэ 1 мурт гинэ пыртэмын. Комсомолец'ёс пöлын 3 толэзэ чөже собрания ортчытымтэ ни. СССР-лэн Верховной Советэзлэн 4 тй Сессиеныз кутэм решенносты но интысь Совет'ёсы быр'ён'ёс сярэсь Положениез изучать карон уг мыны. ВЛКСМ РК-лэн секретарез Корепанов эш комсомольской организациосын зеч зеч уг кивалты.

Пöртэм ик уж уг мыны МТС-ёсысь комсомольской организациосын но. Вавожской МТС-ысь комсомольской организациосын нокиче уж уг нуисыкы.

Комсомол радэз бюджетонлы внимание сётымтэез туннысен ик быдтыса, несоюзной егит'ёс пöлын политико-массовой ужез паськыт вöлмытыны но несоюзной азымынсь егит'ёсты комсомол радэ кысқыны кулэ.

Г. Пьянов.

Массовой ужез хозяйственно-политической уж'ёзын герзано

Г-Пудгинской сельсоветысь „Г-Пудга“ но „Красная звезда“ колхоз'ёс 22 сентябре картопка октыны кутскизы. Та колхоз'ёс государстволы ю тысь сётонзэс но сельсовет'я нырысен быдэстйзы.

Колхоз'ёсын умой пуктэмын трудовой дисциплина. Колхозник'ёс ваче кустазы Куиньметй Сталинской пятилеткалэн нимыныз нима социалистической соревнование пырыськыса ужало. Стахановка-льноводка Рычкова Анна но Морозова Пелагея эш'ёс государстволы высококачественной етйн сётон обязательствозэс. Октябрьской революцилэн XXII годовщинаез азелы быдэстон понна кужмо нюр'ясько.

Вылй верам колхоз'ёсын ингысь Совет'ёсы быр'ён'ёс азелы дасяськон но умой мынэ. Агитатор'ёс Стяжкин М. но Щеткин П. эш'ёс колхозник'ёс но колхозницаос пöлын вискарытэк массово-разъяснительной уж нуо. Валэкто СССР-лэн Верховной Советэзлэсь IV внеочередной Сессиезлэсь решенносэ.

Таин чөш ик вератэк кельтыны уг луы Вавожской сельсоветысь „Сюрло“ колхоз сярэсь. Тагын трудовой дисциплина чидантэм урод пуктэмын. Та берло нунал'ёсы колхозник'ёс уже бер потало. Соин сэрэн колхозлэн картопка окгонэз одйг га вылысь сяна октэмын öвöл на. Та дырозь ю пыртонэз но быдтымтэ.

Колхозлэн председателез Стрелков колхозлэсь бере кылемзэ быдтон понна уг сюлмаськы. Колхоз вал'ёсын кунотй юыса гинэ велэ. Сельсоветлэн председателез Богданов Стрелковлэсь та же уж'ёсэ адзыса но нокиче ужрад öз куты на.

П. Т.

12 августэ Красинскоын („Хасанской район“) Первой отдельной Краснознаменной армиясь Японской захватчик'ёсын жугиськоннын бырем героической боец'ёслы торжественной обстановкаиен памятник заложить карон состоять ся кариськиз.



Суред вылын: памятник тыро.



Суред вылын: Павильон „Колхозной клуб“ выставка-лэн „Новое в деревне“ люкетысьтыз.

Коньдон огазеянлы жогылык сётон

Асьмелэсь народной хозяйствомес юнматоннын населенилэсь коньдон мобилизовать карон бадзым решающей значение иметь каре. Озы бере коньдон огазеян борды уно внимание партийно-советской актив ласянь вис'ямын луыны кулэ, чтобы кварталысь-кварталэ финплан дырызлэсь азы-выл но мултэсэн мед быдэс-моз. Со понна нуналмысь нюр'яськоно луиськом. Финпланлэсь та же значениз уноез актив валаз но сое быдэстон понна серьезно нюр'ясько.

Малькан но Лыстем сельсовет'ёсысь актив III кварталлы сётэм квартальной финпланзэс 20 сентябрьлы ик мултэсэн быдэстйзы, Малькан 111,3 процентлы, Лыстем — 103,1 процентлы быдэстйзы. Со сяна матэ быдэстон дыре вуэмын К-Ключ сельсовет—20 сентябрьлы 86,6 процентлы быдэстйз квартальной планзэ.

20 сентябре ортчем финактивлэн совещанияз азымынсь финактйз премировать каремей: Малькан—Лыстем кустысь финагент Сырых 100 манетэн, Брызгаловской кустысь финагент Петров 100 манетэн, К-Ключ кустысь финагент Зайцев 100 манетэн, Мальканской сельсоветлэн председателез Ожегов А. 100 манетэн, солэн секретарез Ожегов И. 50 манетэн, Лыстемской сельсоветлэн

председателез Плехов 100 манетэн, Брызгаловской сельсоветлэн председателез Юрин 130 манетэн но заем'я уполномоченнойёс, сельсовет член'ёс—Слудкаысь Сырых А. 50 манетэн, Касихиноысь Рябов И. 50 манетэн, Покчи-скалгуртысь Орефьев 50 манетэн но мукетгыз—ваньмыз 14 мурт премировать каремын.

Таосын артэ ик вань сы-чеосыз но сельсовет председателез но финагент'ёс, куд'ёсыз финпланэз дыраз быдэстон понна уг сюлмасько. Виль-Бия сельсовет'я финплан 38,1 процентлы сяна öвöл быдэстэмын.

Карсинской (председателез Копысов) Волипельгинской (Сабанов), но Водзимонской (председателез Невоструев) сельсовет'ёс та дырозь заемлы гожтйськем колхозник'ёслэсь одйг манет но öз бичалэ на. Нош та куст'ёсысь финагент'ёс Митрофанов но Вычужанин мар меда карыса уло, кокак асьсэлэсь основной ужзэс вунэтыса, сое райфинотделлэн кивалтйсьез Костяев, уг юа ас агент'ёсызлэсь.

Район'я коньдон мобилизовать каронэз большевистской кие кутон. Масса полын валэктон вöлмытыса III кварталлэсь планзэ коньдон огазеян'я одно ик быдэстоно.

Трудовой дисциплинаез тйясьёс ужысьтызы куштэмын

Виль-Бия начальной школаысь дышетйсь Зайцев В. но Б-Можга НСШ-ысь дышетйсь Коколев Д. призывез ортчем беразы армие мыныны извещени возьматэк ужзэс куштыса юны кутскизы. Та дышетйсьёс калыклэн сознанийсьтыз капиталистической пережиткаосты быдтон понна нюр'яськон интые, солы асьсэос юртто.

Та же юон случайёс куд-ог мукет дышетйсьёс пöлын но шöдиське.

Зайцев но Коколев дышетйсьёс ужысьтызы нокиче основанитэк кошкemenызы но юыса ветлэм понназы Вавож РОНО-ен ужысьтызы куштэмын.

В. Борисов.

Ужзэ юонэн воштйз

Б-Можга сельсоветысь „Ува“ колхозлэн председателез Романов колхозын трудовой дисциплинаез юнматон понна нюр'яськон интые, ачиз сое куашкатэ. Чем дыр'я колхозэн кивалтйсьёс асьсэ кустазы юон организовать карыло. Соин сэрэн уноез колхозник'ёс уже мылы потэм'я гинэ ветло.

дэн колхозын уж'ёс но бере кылё. Вöлдэм етйн жутыны вуэмын ни, нош сое октонкалтон организовать карымтэ. Картопка октон но уг мыны. Романов та же уж'ёсыз понна ответственность улэ кыскемын луыны кулэ.

Колхозник'ёс.

Отв. редактор В. Антропов. Издатель райисполном

Бордгазет'ёслэсь рользэс вылэ жутоно

Большевистской печать асьмелэн социалистической строительствомылэн вань этап'ёсаз партилэн кужмо но лэчты оружиныз луэ. Печатьлэн значениз тужгес но вылэ жутэмын али, кукке вань советской калык дасяське интысь Совет'ёсты бырйыны. Печатьлэн важнейшой задачаез—бордгазет'ёсысен кутсыса центральной газет'ёс дорозь трудящйёсты коммунистически воспитать карон. Али колхозной но бригадной бордгазет'ёс азын бадзым задача сылэ колхозник'ёс но колхозницаос пöлын интысь Совет'ёсы быр'ён сярэсь законэз валэктон.

Б-Докьянской сельсоветысь „Валодор“ колхозысь бордгазетлэн редакторез Комиссаров эш вылй верам задачаос ты быдэстон понна мылыськыдысь ужа. Колхозник'ёс но колхозницаос валантэм вопрос'ёсэс юаса бордгазетлэн редколлегиезлы гож'яло. Нош редколлегия соослы газет пыр шонер ответ сёт'я.

Таин чөш ик куд-ог бордга-

зет'ёслэн редактор'ёслэсь но редколлегиезлэсь ужзэс уш'яны уг луы. Тани Ст-Баян, Бобровский но „Советский“ колхоз'ёсысь бордгазет'ёслэн редактор'ёсы та берло дыр'ёсы газет поттон понна чик уг сюлмасько.

Малы бордгазет уд поттылське, шуыса юамлы соос вакчаик ответ сётно, материал'ёс öвöл, кытысь соосыз шедьтод, гож'ясь öвöл бере. Та кыл'ёс нокиче оправданиен уг луо. Бордгазетэ материал'ёс поттыны туж уно. Тани колхоз'ёслэн кутсаськонзы но картопка октонзы организовать карымтэ. Вал'ёсты сюдон но утялтон урод пуктэмын. Колхозник'ёс пöлын социалистической соревнование организовать каремын öвöл. Кулэ на-а марке вераны, что бордгазетэ поттыны материал'ёс öвöл шуыса.

Партийно-комсомольской организациос бордгазет'ёслэн редколлегиезынызы нуналмысь кивалтоно луо.

Морозов.

Зечкылало правительстволэсь решенизэ

СССР-лэн Совнаркомезлэн председателезлэн но иностранной уж'ёс'я Народной Комиссарлэн В. М. Молотов эшлэн радио пыр вераськемезлы сйзыса, Вавож районлэн центраз митинг орччытэмын.

Митинге люкаськем трудящйёс огмылкыдын та же резолюция кутйзы.

„Советской правительстволэсь мудрой политиказ шумпотыса одобрить кариськомы.

Правительствоз но солэсь главазэ В. М. Молотов эшез, коммунистической партиез но солэсь вождзэ мудрой но великой Сталинэз оскытйськомы, что ми, трудящйёс,

учреждениосын, предприятиосын но колхоз'ёсын трудовой дисциплинаез юнматон, стахановской амал'ёсын ужаса вань обязательствоосмес честно но добросовестно быдэс'ялом. Родинамылэсь обороноспособностьзэ юнматон понна вань кужыммес поныса ужалом“.

Районысьтымы „Сюрло“, „Выжы“, „Виль улон“ но мукет'ёсаз колхоз'ёсын, Молотов эшлэн выступлениезлы сйзыса, собраниос но совещаниос ортчыт'ямын. Колхозник'ёс вераны луонтэм шумпотыса пумитало правительстволэсь решенизэ.

Т.